



KYSTVERKET

Midt-Norge

STATSNAIL AS
Steinvikveien 75
7165 OKSVOLL

Dykkar ref.:

Vår ref.:
2019/3935-2

Arkiv nr.:

Saksbehandlar:
Tormod Hjørungnes Engen

Dato:
30.10.2019

**Løyve - Statsnail AS - Søknad om avløps- og inntaksleidning til
akvakulturanlegg for strandsnegl - Lokalitet Gjemsøyskjæra - Bjugn
kommune - Trøndelag fylke**

Viser til dykkar søknad oversendt frå Trøndelag fylkeskommune 28.10.2019.

Saksopplysningar:

Tiltakshavar søker om å etablere landbasert akvakulturanlegg for strandsnegl på Gjemsøyskjæra i Valsfjorden. I tilknytning til anlegget vert det etablert vassleidningar for avløp og inntak av sjøvatt som strekk seg inn i farleiareal i Valsfjorden.

Aktuelle føresegner

Tiltaket fell inn under *Lov om havner og farvann* § 27 som lyd:

”Bygging, graving, utfylling og andre tiltak som kan påvirke sikkerheten eller fremkommeligheten i kommunens sjøområde, krever tillatelse av kommunen hvor tiltaket skal settes i verk. Som tiltak regnes bl.a. fortøyningsinstallasjoner, kaier, brygger, broer, luftspenn, utdypning, dumping, akvakulturanlegg, opplag av fartøy, lyskilder, kabler og rør. (...).

Tiltak som nevnt i første ledd som skal settes i verk i hovedled eller biled eller for øvrig utenfor kommunens sjøområde, krever i stedet tillatelse fra departementet. Det samme gjelder tiltak som skal settes i verk innenfor kommunens sjøområde, men som kan påvirke sikkerheten eller fremkommeligheten i hovedled eller biled.”

I Fiskeri - og kystdepartementet si delegering av 4. desember 2009 er Kystverket delegert mynde til å fatte vedtak i saker der tiltaket er omsøkt i bilei og hovudlei. Søknaden skal difor avgjerast av Kystverket.

I vurderinga om ein skal gje løyve skal ein legge vekt på *Lov om havner og farvann* sine førermål som kjem fram av § 1:

”Loven skal legge til rette for god fremkommelighet, trygg ferdsel og forsvarlig bruk og forvaltning av farvannet i samsvar med allmenne hensyn og hensynet til fiskeriene og andre næringer.

Regionkontor Midt-Norge

Sentral postadresse: Kystverket
Postboks 1502
6025 ÅLESUND

Telefon: +47 07847

Internett: www.kystverket.no
E-post: post@kystverket.no

For besøksadresse se www.kystverket.no

Bankgiro: 7694 05 06766

Org.nr.: NO 874 783 242

Vi ber om at brev, sakskorrespondanse og e-post vert adressert til Kystverket, ikkje til avdeling eller enkeltperson

Loven skal videre legge til rette for effektiv og sikker havnevirksomhet som ledd i sjøtransport og kombinerte transporter samt for effektiv og konkurransedyktig sjøtransport av personer og gods innenfor nasjonale og internasjonale transportnettverk.”

Med heimel i *Lov om havner og farvann* § 29 kan ein sette vilkår for eit løyve:

”Ved fastsettelsen av vilkår i enkeltvedtak etter dette kapitlet skal det legges vekt på hensynet til god fremkommelighet og trygg ferdsel i farvannet, hensynet til andre næringer, samt hensynet til liv og helse, miljø og materielle verdier. (...)”

Videre så gjeld ”Forskrift om farvannsskilt og navigasjonsinnretninger” (FOR-2012-12-19-1329) som vart sett i kraft 01.01.2013. <http://www.lovdato.no/for/sf/fi/fi-20121219-1329.html>

Løyve til tiltak etter *Lov om havner og farvann* § 27 kan ikkje vere i strid med vedtekne arealplanar etter plan- og bygningslova med mindre vedkomande plan- og bygningsmynde har gitt dispensasjon, jf. *Lov om havner og farvann* § 32 andre ledd.

Vurdering

I vurderinga om en skal gje løyve til omsøkte leidningar må ein vege dei ulike omsyna mot kvarandre. Føremålet med leidningane er å kunne drive akvakulturverksemd. Andre omsyn ein særskilt skal legge vekt på er omsyna til ferdsle og fiskerinæring.

Etter Kystverkets si vurdering vil ikkje omsøkte leidningar få særskilde konsekvensar for ferdsle i området. For å førebygge skadar på sjøleidningane frå tilfeldig ankring og fiskereiskap vil det vere formålstenleg med leidningane avmerkt i sjøkartet og varslingsskilt ved landfeste. Sjå vilkår.

Vurdering etter §§ 8-12 i *Naturmangfaldlova*.

Med bakgrunn i den kunnskap Kystverket har om naturverdiane på lokaliteten og tilgrensande område, kan vi ikkje sjå at tiltaket får innverknad på marin og terrestrisk natur og artar av særskild verdfull, truga og sårbar karakter.

Vedtak

Med heimel i *Lov om havner og farvann* § 27 andre ledd, jf. § 27 første ledd, får Statsnail AS løyve til utlegging av inntaks- og avløpsleidning frå akvakulturanlegg på lokalitet Gjemsøyskjæra i Bjugn kommune, Trøndelag fylke, som omsøkt og i samsvar med vedlagt stempla kart.

Med heimel i hamne- og farvasslova § 29 vert løyvet gitt på følgjande vilkår:

1. Tiltakshavar skal sende inn melding med vedlagt kart der leidningane er nøyaktig innteikna med posisjonar oppgitt i WGS 84 til Kartverket sjødivisjonen, Postboks 60, 4001 STAVANGER (efs@kartverket.no). Kopi av melding skal sendast Kystverket, Postboks 1502, 6025 ÅLESUND (post@kystverket.no).

Grunngjeving: Omsyn til ferdsle og tryggleik for dei sjøfarande ved ajourhold av sjøkartet.

2. Tiltakshavar pliktar å merke leidningane ved landfeste med varslingskilt i samsvar med gjeldande skiltnorm (FOR-2012-12-19 nr. 1329). Tiltakshavar får og ansvaret for vedlikehald av merkinga.

Det skal nyttast følgjande varslingskilt med minimum storleik MS (1500x1500mm og underskilt 1500x450mm):



Alle navigasjonsskilt skal innmålast. Kartskisse + innmålingsdata/koordinatar (WGS 84) skal **sendast Kystverket** (post@kystverket.no) for kontroll og registrering i nasjonalt skiltregister.

Grunngjeving: Vilkåret er gitt for å varsle sjøfarande og andre brukarar av farvatnet slik at skader og annan fare kan førebyggast og for å ajourhalde nasjonale skiltregistre i samsvar med forskrift.

3. Kablar/leidningar på sjøbotnen skal plasserast i samsvar med vedlagt kartutsnitt. Dei må følgje botn (utan heng) så langt det let seg gjere og leggjast forsvarleg slik at dei ikkje endrar lege eller flyt opp. Eventuelle fester og søkker skal ha ei slik utforming at dei ikkje heftar fiskereiskap. Så langt som mogleg unngå bruk av frie spenn og sidestøtter. Der ein ikkje kan unngå frie spenn skal dei vere så korte som mogleg.

Grunngjeving: Omsyn til ferdsle, tryggleik og fiske.

4. Eventuelt erstatningsansvar som følgje av tiltaket kviler på tiltakshavar.

Grunngjeving: Det er tiltakshavar som får fordelene av tiltaket. Skulle tiltaket føre til skade er det naturleg at tiltakshaveren tek utgiftene.

5. Kablar/leidningar må leggjast ut i samråd med eigarar av eventuelle andre installasjonar som omsøkt tiltak kan kome til å krysse.

Grunngjeving: Eit løyve etter hamne- og farvasslova vil ha rettsverknad etter sitt innhald så langt dette er innanfor dei rammer lova gir. Hamne- og farvasslova regulerer ikkje nabo- og eigedomstilhøve.

6. Kystverket kan krevje at eigar/tiltakshavar sørgjer for at sjøkablar/ledningar på sjøbotnen som ikkje lenger er i bruk, heilt eller delvis vert flytta, fjerna, gravd ned eller dekt over dersom det er naudsynt av omsyn til tryggleik, miljø og farbart farvatn. Kostnaden vil verte pålagt eigar/tiltakshavar.

Grunngjeving: Omsyn til ferdsle, tryggleik og miljø.

Gjer elles merksam på at *Lov om havner og farvann* § 26 set nærmare krav til tiltaket som tiltakshavar sjølv har ansvaret for å etterkome, og lyd som følgjande:

"§ 26. Alminnelige krav til tiltak

Tiltak som krever tillatelse etter dette kapittelet, skal planlegges, gjennomføres, drives og vedlikeholdes slik at hensynet til god fremkommelighet og trygg ferdsel i farvannet samt hensynet til liv og helse, miljø og materielle verdier, blir ivaretatt på en forsvarlig måte.

Departementet kan i forskrift fastsette nærmere krav til planlegging, gjennomføring, drift og vedlikehold av tiltak.

Departementet kan i forskrift gi regler om minste tillatte avstand i høyde, bredde eller dybde for tiltak som kan innskrenke farledene."

Klage mv.

Dette er eit enkeltvedtak som søkjar og andre med rettsleg klageinteresse kan påklage innan 3 – tre - veker etter at vedtaket er kome fram. Sjå orientering om klageadgang under.

Klageadgang må vere nytta før søksmål om vedtaket si gyldigheit- eller krav om erstatting som følgje av vedtaket vert reist, jf. forvaltningslova sin § 27b. Ein kan likevel sette fram søksmål når det er gått seks månadar frå klagen første gong vart framsett og det ikkje skuldast forsøming frå klagaren si side at avgjersla frå klagemynde ikkje føreligg.

Saka er berre vurdert med omsyn til reglane i *Lov om havner og farvann* og ikkje til anna lov- og regelverk. Til dømes må tiltakshavar sjølv avklare tilhøva i reglane i plan- og bygningslova med kommunen, og tilhøva i kulturminnelovgjevinga med fylkeskommune/sjøfartsmuseum.

Lov om havner og farvann regulerer ikkje nabo- eller eigedomstilhøve som då ikkje vert vurdert i saka. Kystverket føreset likevel at bruken ikkje krenkjer naboeigedom, tilflottsrettar eller liknande rettar for andre. Søkjaren er sjølv ansvarleg for naudsynt samtykke frå grunneigarar og eventuelle rettshavarar. Kystverket har ikkje ansvar for å følgje opp dette. Privatrettslege tvistar mellom partane avgjerast anten gjennom avtale eller på annan måte, til dømes av domstolane.

Med helsing

Harald Tronstad
regiondirektør

Tormod Hjørungnes Engen
rådgjevar

Dokumentet er elektronisk godkjent

Eksterne kopimottakere:

Fiskeridirektoratet	Postboks 185 Sentrum	5804	BERGEN
Bjugn kommune	Alf Nebbs gate 2	7160	BJUGN
Trøndelag fylkeskommune	Fylkets hus, Postboks 2560	7735	STEINKJER
Fylkesmannen i Trøndelag	Postboks 2600	7734	STEINKJER

Vedlegg:

- 1 Godkjenningsskart - Statsnail AS - Søknad om avløps- og inntaksleidning til akvakulturanlegg for strandsnegl - Lokalitet Gjemsøyskjæra - Bjugn kommune - Trøndelag fylke



ORIENTERING OM KLAGEADGANG

KLAGEORGAN

Enkeltvedtak fatta av Kystverket sitt regionkontor kan verte påklaga til Kystverket sitt hovudkontor, jf. forvaltningslova § 28.

Enkeltvedtak fatta av Kystverket sitt hovudkontor kan verte påklaga til Samferdselsdepartementet, jf. forvaltningslova § 28.

Klagen skal i begge tilfelle sendast med e-post til post@kystverket.no eller med post til Kystverket, Postboks 1502, 6025 ÅLESUND.

KLAGEFRIST

Klagefristen er 3 veker frå den dag dette brevet kom fram, jf. forvaltningslova § 29. Det er tilstrekkeleg at klagen er postlagt innan fristen sitt utløp. Kjem klagen for seint kan Kystverket sjå bort frå klagen. Ein kan søke om å få forlenga fristen, men lyt då grunngje årsaka til dette, jf. forvaltningslova §§ 29 og 31.

KLAGENS INNHOLD

Klagen må innehalde følgjande, jf. forvaltningslova § 32:

- kva for eit vedtak det vert klaga over
- den eller dei endringar som ein ynskjer
- eventuelle andre opplysningar som kan ha betydning for vurderinga av klagen

I tillegg bør ein nemne dei årsaker klagen støttar seg til. Klagen må vere signert.

UTSETTING AV GJENNOMFØRING AV VEDTAKET

Sjølv om det er klageadgang på eit vedtak, kan vedtaket vanlegvis verte gjennomført straks. Førsteinstansen, klageinstansen eller anna overordna organ kan bestemme at vedtaket likevel ikkje kan verte iverksett før klagefristen er ute eller klagen er avgjort, jf. forvaltningslova § 42. Ein kan søke om å få utsatt gjennomføringa av eit vedtak til klagefristen er ute eller til klagen er avgjort, jf. forvaltningslova § 42. Grunngjeven søknad sendast den etat som er førsteinstans for vedtaket. Ei avgjersle om oppsettjande verknad kan ikkje verte påklaga.

RETT TIL Å SJÅ SAKSDOKUMENTA OG TIL Å KREVJE VEGLEIING

Med nokre avgrensa tilfelle har ein part rett til å sjå dokumenta i saka, jf. forvaltningslova §§ 18 og 19. Parten må i tilfelle ta kontakt med Kystverket. Ein vil då få nærmere vegleiing om adgangen til å klage, om fremgangsmåten og reglane i sakshandsaminga.

KOSTNADAR VED KLAGESAKA

Ein part kan krevje dekning for vesentlege kostnader i samband med klagesaka, jf. forvaltningslova § 36. Føresetnaden er då vanlegvis at det organet som traff det opphavslege vedtaket har gjort ein feil slik at vedtaket vert endra.

Ein kan og søke om å få dekt utgifter til naudsynt advokathjelp etter reglane om fritt rettsråd. Vanlegvis gjeld visse inntekts- og formuesgrenser. Klageinstansen eller parten sin advokat kan gje nærmere opplysning om dette.

KLAGE TIL SIVILOMBUDSMANNEN

Meiner ein seg utsatt for urett frå den offentlege forvaltninga, kan ein klage til Stortinget sin ombudsmann for forvaltninga (Sivilombudsmannen). Sivilombudsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om det er gjort eventuelle feil eller forsøming.